

ADOLAT

ИЖТИМОЙ-СИЁСИЙ ГАЗЕТА

adolat_sdp@doda.uz

www.adolat.uz

№ 5 (811) 2011 йил, 28 январь, жума

БИОГАЗ — ҚУЛАЙ ВА ДАРОМАД МАНБАИ

у кўплаб иқтисодий, ижтимоий ҳамда экологик афзалликларга эга

Уй юмушларидаги вақтим анча тежалди, — дейди Сайёра Абдуллаева. — Биогаз ҳидсизлиги ва хавфлилик даражаси камлиги билан менга манзур бўлди. Чой қайнаши, овқат пишиши бунда анча тез экан.

ЭПИ БОРНИНГ ИШИ БОР

3-бет

Ён-атрофга назар солсангиз, эпи борнинг иши борлигига ишонч ҳосил қиласиз. Яъни ўз олдида аниқ мақсад қўйган, яратилаётган имконият ва шарт-шароитлардан унумли фойдаланган кишининг нияти албатта амалга ошади.

ҚУДРАТЛИ ПОЙДЕВОР

тамап тоши — 1992 йил 28 январь куни шахсан давлатимиз раҳбари ташаббуси билан қўйилган эди

4-бет

...олиб борилган изчил сиёсат ва аниқ-равшан мақсадларни кўзлаб амалга оширилган саъй-ҳаракатлар — бортига мустақил мамлакатимиз байроғи рамзи туширилган авиакомпаниямиз ҳаво кемаларининг юксак парвозлари босқичма-босқич таъминлана бошлади.

Муҳокамада янги қонун лойиҳалари

Фракция йиғилиши

Фарҳод ЭСОНОВ «Adolat» мухбири.

Олий Мажлис Қонунчилик палатасидаги Ўзбекистон «Адолат» социал-демократик партияси фракциясининг навбатдаги йиғилиши бўлиб ўтди. Фракция раҳбари, Олий Мажлис Қонунчилик палатаси Спикери ўринбосари Исмоил Саифназаров бошқарган йиғилишда мамлакатимиз ҳаётига доир бир нечта қонун лойиҳалари муҳокама қилинди.

Дастлаб депутатлар «Ўзбекистон Республикасининг Жиноят-процессуал кодексининг 339-моддасига қўшимча киритиш тўғрисида»ги қонун лойиҳасини муҳокама қилишди. Ушбу масала юзасидан сўзга чиққан кўйи палатанинг Мудофаа ва хавфсизлик масалалари қўмитаси аъзоси Игорь Кореневнинг таъкидлашича, қонун лойиҳасига асосан Ўзбекистон Республикасида тезкор-қидирув фаолиятини амалга оширувчи органлар қаторига божхона органларини ҳам киритиш назарда тутилмоқда. Чунки, «Давлат божхона хизмати тўғрисида»ги Қонуннинг 5-моддасида божхона органларининг ҳуқуқлари белгиланган бўлиб, улар орасида тезкор-қидирув фаолиятини амалга ошириш ҳуқуқи ҳам белгиланган. Амалдаги Ўзбекистон Республикаси Жиноят-процессуал кодексининг 339-моддасида эса бу норма ўз аксини топмаган. Шу боис муҳо-



кама қилинаётган қонун лойиҳаси Ўзбекистон Республикасининг «Давлат божхона хизмати тўғрисида»ги Қонун ҳамда Жиноят процессуал кодекси нормалари ўртасидаги ўзаро номуносивликни бартараф этишга хизмат қилади.

«Транспорт воситалари эгаларининг фуқаролик жавобгарлигини мажбурий сугурта қилиш тўғрисида»ги Қонуннинг 13-моддасида сугурта муқофотлари бўйича сийловлар назарда тутилган. Сугурта муқофотлари бўйича сийловлар олиш ҳуқуқига эга шахслар қаторига хизматни Афғонистон Республикасида ва жанговор ҳаракатлар олиб борилган бошқа мамлакатларда вақтинча бўлган қўшинларнинг чекланган контингентига ўтаган ҳарбий хизматчилар ҳамда ўқув ва синов йиғинларига қақирилган ҳарбий хизматта мажбурлар ҳам киритилиши тақлиф этилмоқда. Бу

эса ижтимоий муҳофазага эҳти-эҳжманд аҳоли қатламларини ижтимоий кўллаб-қувватлашнинг кенгайтирилганидан далолатдир.

«Транспорт воситалари эгаларининг фуқаролик жавобгарлигини мажбурий сугурта қилиш тўғрисида»ги Қонуннинг 14-моддасида эса «Мажбурий сугуртани амалга оширувчи сугурталовчи сугурта тўловларини амалга оширишга ваколатли ўз вакилларига эга бўлиши керак» деган норма мавжуд. У ўз навбатида юридик шахс мақомига эга бўлиб, ҳудудларда ўз вакилларига эмас, балки филиалларига эга бўлиши лозим. Қонунда мавжуд ушбу камчилик ҳам бартараф этилмоқда.

Фракция аъзолари «Хорижий расмий ҳужжатларни легаллаштириш талабини бекор қилувчи Конвенцияга (Гаага, 1961 йил 5 октябрь) Ўзбекистон Республикасининг қўшилиши тўғрисида»ги қонун лойиҳасини ҳам муҳокама қилдилар. Қонун лойиҳасида хорижий расмий ҳужжатларни легаллаштириш талабини бекор қилувчи Конвенцияга Ўзбеки-

тоннинг қўшилиши назарда тутилган. Конвенциянинг мақсади — унга аъзо давлатларнинг бири ҳудудида амалга оширилган ва бошқа давлатларнинг ҳудудида тақдим қилиниши лозим бўлган хорижий расмий ҳужжатларни дипломатик (консуллик) йўл билан легаллаштириш талабини бекор қилишдан иборат.

Шунингдек, фракция йиғилишида «Тугатишга доир иш юритишнинг айрим тартиб-қоидаларини ўтказиш мuddатларини тезлаштиришга йўналтирилган «Банкротлик тўғрисида»ги Ўзбекистон Республикаси Қонунига ўзгаришлар ва қўшимча киритиш ҳақида»ги қонун лойиҳаси, Ўзбекистон Республикаси Олий Мажлиси Қонунчилик палатасининг 2010 йилдаги фаолиятига доир масала ҳам қизғин муҳокама қилинди.

Партия электорати манфаатлари инобатга олиниб, муҳокама этилган қонун лойиҳалари концептуал жиҳатдан маъқулланди. Йиғилиш сўнггида муҳокама этилган масалалар юзасидан фракция нуктаи назари белгилаб олинди.

Сиҳат-саломатлигимиз

йўлидаги эзгу мақсадлар, улуғвор саъй-ҳаракатлар

Муносабат

Собир ТУРСУНОВ, Олий Мажлис Қонунчилик палатаси депутати, «Адолат» СДП Сиёсий Кенгаши аъзоси, тиббиёт фанлари номзоди.



«Бу йил, — деди Президентимиз Ислоом Каримов 2010 йил якунлари ва 2011 йилнинг устувор йўналишларига бағишланган Вазирлар Маҳкамаси мажлисида қилган маърузасида, — барчамиз она юртимиз, Ўзбекистонимизнинг янги тарихидаги энг буюк ва кутлуг саналардан бири — Ватанимиз мустақиллигининг 20 йиллик шонли байрамини кенг нишонлаймиз. Табиийки, бу биздан барча соҳа ва тармоқларда амалга ошираётган кенг қўламли ислохотларимизни атрофлича таҳлил этиб, келгуси режаларимизни аниқ-равшан белгилаб олишни талаб этади».

Айни шундай юксак масъулият билан ёндашилган маърузанинг бир жойи ихтисослигим тақозосига кўра менда жуда катта таассурот қолдирди. Тиббиёт ходими бўлганлигим учун Юртбошимизнинг «Ижтимоий ривожланиш, биринчи навбатда таълим ва соғлиқни сақлаш соҳаларининг моддий-техник базасини мустаҳкамлаш ва уларни жиҳозлаш масалалари, ҳеч шубҳасиз, жорий йилда ҳам диққатимиз марказида бўлади», — дея айтган сўзлари асосида кейинги белгиланган вазифалар қўлами баёнини қайта-қайта ўқиб чиқиб, гап-

нинг очиги, руҳланиб кетдим. Ўйлаб кўринг, 2011 йилда ижтимоий мақсадлар учун давлат бюджети харажатларининг 60 фоизи йўналтирилиши ҳозир дунёда қайси мамлакатда бор?! Бу харажатларнинг 48 фоизи (2010 йилга нисбатан 1 триллион 800 миллиард сўм кўп маблағ) биргина таълим ва соғлиқни сақлаш соҳасига сарфланиши кўзда тутилаётгани ҳам унча-мунча ривожланган давлатлар қўлидан келавермайди. Тоифаси — умумтаълим мактаблари, академик лицей, касб-хунари коллежлари ўқитувчилари ва шифокор ҳамда тиббиёт ходимлари бўлган фуқароларнинг меҳнатини (хар галгидек!) янада рағбатлантириш чоралари белгилангани эса нур устига аъло нур. 2011 йилда уларнинг иш ҳақи ўртача камида 25 фоизга оширилиши борасидаги мўлжал — ўйлайманки, шу тоифадаги барча ходимлар кучига куч, ғайратига ғайрат қўшди. Зеро, маърузада уларнинг иш ҳақини ошириш билан боғлиқ харажатларни молиялаш учун бюджетдан 420 миллиард сўмдан ортиқ маблағ ажратилиши аниқ айтиб ўтилди.

Давоми 2-бетда >>

Ўзбекистон Миллий автомагистрალი таркибига қирадиган автомобил йўлларини қуриш ва реконструкция қилиш, мамлакатимизнинг барча ҳудудларини ўзаро ишончли боғлайдиган ягона миллий автомобиль транспорт тизимини ташкил этиш лойиҳаларини жадал амалга оширишни таъминлашга биринчи даражали аҳамият қаратилиши лозим.

Ислоом КАРИМОВ

Йўллар, йўллар...

Истиқлол йилларининг қон томири улар

Иқтисодиёт чорраҳаларида

Фармула МУРОДОВА, «Adolat» мухбири.

Автомобиль йўллари — мамлакат транспорт инфраструктурасининг асосий бир бўлаги. Мутахассислар автомобиль ва темир йўллари давлатининг ҳаёт томирига ўшатишади. Ҳақиқатан ҳам халқ ҳужалигининг бирорта тармоғи йўқки, автомобиль йўллари тасаввур қилиб бўлса...




Давоми 2-бетда >>

Қалби обод, қадри баланд Самарқанд — бу!

Ифтихор

Зоҳир ТУРАҚУЛОВ, «Adolat» мухбири.

Ватани қадрламоқ, унинг шаъну шарафига муносиб фарзанд бўлмоқлик самарқандликларга улуг боболардан мерос фазилат. Бу фазилатни ўтмиш ёдгорликлари бўлган мадраса-ю макбараларнинг неча асрлик жилосини қайта излаётган ганчкор устанинг сеҳрли бармоқларида, шаҳар осмонига сочилган ой-у юлдузларнинг тасвирини заррин ипак матоларда намён этаётган каштаўзининг нозик ҳаракатларида, кўёш меҳри ва ҳароратини англаувчи қадимий Самарқанд ноиларини тандирдан шоша-пиша узаётган новвойнинг беҳоловат меҳнатда яққол ҳис этасиз. Қўҳна Регистон, Заргарон, Сўзангарон, Рӯҳобод атрофидаги маҳалларда неча юз йиллардан буён аждодлар анъанасини давом эттириб келаётган хунараманд оилаларнинг шу заминга меҳру муҳаббатлари таърифларга симагай.



Самарқанд ва самарқандликлар. Айрича идрок этилмайди-ган яхлит бу тушунчалар ҳақида сўз борганда жохоннинг ҳайратини қозонган ҳар гўшаю қадамжолари, маҳалла-ю гузарлари, кўча, хиёбонлари обод, қалби ҳам обод, қадри эса ҳа-

миша баланд, одамлари меҳмондўст юрт кўз ўнгимизда гавдаланади. Зотан, муҳтарам Юртбошимиз «Самарқанд деганда ҳар қандай инсоннинг ҳам қалбини ром этиб, умрбод ўзига мафтун қилиб қўядиган, бир кўрган одам, қани энди яна бир

бор кўрсам, деб орзу қиладиган гўзал ва буюк шаҳар ҳаёлимизда намён бўлади», деб тўлқинланиб, фахрлимиб гапирдилари ҳеч биримизни бефарқ қолдирмайди.

Давоми 3-бетда >>

